

76869

# 甯陽續志

光緒十三年重增修

第陸册

卷十一

宦績

卷十二

列傳





甯陽縣志卷十一

歷代宦績傳

序曰邑之有官師民之庇而士之式也太史公傳循吏後之史家並因之矧縣志僅一邑之書而可忽諸甯陽為先賢高子舊治之邦不言之化傲弟革心蠶絲蠃匡詠歌勿絕至今猶有甘棠之思焉厥後文明著稱於唐室伯玉報最於金源歷代以還循良間作鳴琴戴星殊塗同軌乃至祠廟碑碣巋然林立何其盛也自我

朝申建祠立碑之禁故雖庚桑化洽而尸祝無聞其前代

甯陽縣志

卷之十一

宦績傳

一

故物亦摧剝於荆榛瓦礫之中要其流風餘澤未可泯也舊志宦績附入職官志中今依省府各志例作宦績傳並補其缺佚著於篇其崇祀本邑名宦之巡按御史宋公學朱總督李公廕祖朱公昌祚巡撫李公鈞學政趙公申季及東兗道萬公象春分司主事張公盛陳公良謨吳公鵬游公季勳胡公瓚亦併錄焉

東周

謝息

公斂處父

先賢高子

謝息魯人昭公七年為成宰時孟僖子從公如楚晉人





來治杞田季孫將以成與之息不可曰人有言曰雖有  
挈瓶之智守不假器禮也夫子從君而守臣喪邑雖吾  
子亦有猜焉季孫曰君之在楚於晉罪也又不聽晉魯  
罪重矣晉師必至吾無以待之不如與之間晉而取諸  
杞吾與子桃成反誰敢有之是得二成也魯無憂而孟  
氏益邑子何病焉辭以無山足徵成有山與之萊柞乃遷於  
桃卽漢之桃鄉縣晉人爲杞取成左傳魯仍爲孟氏邑  
公斂處父一名陽蓋慕晉大夫陽處父之爲人故名陽字處父魯人定公八  
年爲成宰時陽虎方執國命欲去三桓以季寤更季氏

甯陽縣志

卷之十一 宦績傳

二

以叔孫輒更叔孫氏己更孟氏冬十月壬辰將享季桓  
子於蒲圃而殺之戒都車曰癸巳至處父告孟僖子先  
爲備亂作桓子逃入孟氏虎劫公與叔孫武叔以伐孟  
氏處父帥成人自上東門入與陽氏戰於南門之內弗  
勝又戰於棘下陽氏敗虎竊寶玉大弓以出謂其徒曰  
魯人聞余出喜於徵死奚暇追余衆曰嘻公斂陽在處  
父請追之孟孫弗許左傳

高子名柴字子羔齊人鄭元曰衛人孔子弟子爲成宰成人

有兄死而不爲衰者聞子羔將爲宰遂爲衰其德感如



此唐封共城伯宋進侯從祀聖廟崇祀本邑名宦祠  
論曰甚矣民之難以權驅而易以德感也德感豈市惠  
之云乎身教而已成人蔑視其兄乃至輕視其死而不  
爲衰平時頑傲弗謹不問可知夫邑不能一日廢官也  
當其兄未死與方死之時成獨無宰乎乃悍然不顧若  
是子羔特將爲成宰耳猶未爲宰也彼傲弟亦第聞之  
而已何以潛移默奪若是速哉此非畏宰也畏子羔也  
亦非畏也愧也記有之高子皋之執親之喪也泣血三  
年未嘗見齒君子以爲難自古孝於親者未有不敬於  
甯陽縣志

卷之十一

宦績傳  
論

三

兄者也其善執親喪者未有不善執兄喪者也以不爲  
兄衰之傲弟遇善執親喪之孝子未有不愧積於中跋  
踏而無地自容者况又赫赫然臨之以宰乎

唐

庾 賁

庾賁字文明潁川

舊志作榆次誤  
今按德政頌改

人大曆中由任城尉

擢龔邱令宣慈務寬訓儉示德三年課最邑老彭滔等

立石頌德李陽冰撰德政頌

見藝文

碑存今縣署崇祀名

宦



後唐

孔仁玉

孔仁玉字温如孔子四十三代孫父光嗣遭唐末世亂為灑掃戶孔末所害仁玉生甫九月母張抱匿外家得免比長姿貌雄偉兼通六藝尤精春秋之學時末已冒聖裔襲公爵兼曲阜令明宗長興元年魯人愬於官曰末非孔子後仁玉乃光嗣世嫡真聖裔也是時仁玉年十九官廉之確乃奏誅末授仁玉曲阜主簿尋遷龔邱令龔封文宣公治有惠愛吏民悅服後改曲阜令兼監

甯陽縣志

卷之十一

宦績傳

四

察御史卒贈兵部尚書

曲阜志

金

王珩

齊希文

完顏阿合速

王珩字伯玉黎陽人初由進士調上蔡尉再任亳州酒

監所至有聲大定九年擢龔令

大定二十九年始改稱甯陽故九年仍為龔

公勤廉恕聽斷明決公餘築綵衣亭以奉二親篤於孝

友邑人化之祀名宦

齊希文字公幹保州人明昌甲寅進士泰和中除甯陽

令

泰和為金章宗年號在大定二十九年後故稱甯陽

奉公履正四境晏然犬不



夜吠祀名宦

完顏阿合速朔郡人蓋金宗室疏屬也甯陽故龔邱地

歷唐宋為名縣正隆末

海陵煬王年號

盜起軍興邑為殘毀大

定四年阿合速為縣尉崇修廨宇百廢俱興守正不阿

庭無滯獄有去思碑

元

韓珪

劉允

靳良弼

孔思晦

韓珪字文器汶上人泰定中由國子助教為甯陽尹兼管本縣諸軍奧魯事有文學多政績曾作本縣歷代沿

甯陽縣志

卷之十一

宦績傳

五

革記

見藝文

劉允中山人至正七年為縣尹先是寇騎焚掠縣治廨

舍盡燬允出俸倡民修之工未訖代去梁彥謙宋郁相

繼為尹始克葺事祭酒王思誠撰記

見藝文

靳良弼字夢臣幼習國語司倉稅累官縣尉有聲順帝

至元中為縣主簿時文廟荒圯良弼首倡重修親督工

役民不擾而事集閱月葺事李惟明撰記

見藝文

孔思晦字明道孔子五十四代孫嘗受業張璠之門家

貧躬耕自養力學不懈遠近爭聘為師至大中舉茂才



爲范陽教諭延祐初調甯陽學先是兩縣校官率以廩薄曠職思晦獨儉約自持教養有法比代去學者皆不忍舍仁宗命襲衍聖公卒諡文肅舊志列思晦於至大教諭而佚其事績今依元史儒林張逵傳補

明

宋學朱 萬象春 張 盛 陳良謨 吳 鵬

游季勳 胡 瓚 王文珪 孔公朝 翟 弁

王 鉉 趙 容 趙 瑤 郭 完 白 麟

紀 洪 秦吉士 陳本儒 何玉德 尹 校

甯陽縣志

卷之十一

宦績傳

六

許 恩 李沐民 李之庚 濮陽瑾 宋 參

李 楨 程時言 張雲漢

宋學朱字用晦長洲人明崇禎中以監察御史巡按山

東十一年

大兵入畿輔徇山東將薄濟南巡撫顏繼祖被旨移鎮

德州阻河以守率麾下兵三千往僅以羸卒五百及萊

州兵七百人留守濟南兵備單寡人情恟懼學朱時方

按部東出至章邱聞警投袂起曰省會重地藩封在焉

而兵少如此緩急尙足恃乎乃介馬馳入省城七疏請



援兵而大璫高起潛者方握重兵翱翔東昌臨清間不發一旅東向事且急學朱請於德藩出內帑犒軍鼓以忠義登陴誓死守

大兵築長圍肉薄急攻轉輸匱絕外援不至城破學朱與厯城縣知縣韓承宣俱殉焉明社旋屋贈卹不及福王南渡始贈大理卿

皇朝定鼎以子德宜官大學士贈如其官厯城建雙忠祠祀

學朱並祀承宣本縣祀學朱於名宦祠濟南道韓鎬者

承宣之孫也並祀本縣名宦祠

見王士徵雙忠祠記

甯陽縣志

卷之十一

宦績傳

七

萬象春字仁甫無錫人萬厯五年進士選庶吉士授工科給事中在諫垣前後七十餘疏多關軍國大計其請復建文年號加景帝廟諡尤爲時所稱出爲山東參政妖賊郭大通爲亂計擒之厯山西左布政使二十五年以右副都御史巡撫山東倭躡朝鮮濱海郡邑悉戒嚴象春拊循軍民饋運應機立辦中使陳增以礦稅至象春疏論其害福山知縣韋國賢忤增被侵辱象春力保持之增遂劾國賢沮撓象春黨庇詔逮國賢奪象春俸遂引疾歸起南京工部右侍郎未上卒贈右都御史

節明



史本傳按象春於萬曆十二年任東兗道十六年倡修文廟文昌閣學署並增置學田政績確有可紀故節錄本傳補入宦績

張盛字克謙宜興人成化中由工部主事任都水分司嘗修金口壩及堰城壩凡有益漕運者悉殫力為之累官左參政

陳良謨字忠夫吉安人嘉靖初由工部主事任都水分司清介自持財利秋毫無所愛嘗積俸錢數百緡悉出為公用尤好獎勵後進邑人士多從之遊翕然宗仰累官參政

甯陽縣志

卷之十一

宦績傳

八

吳鵬字萬里秀水人嘉靖初由工部主事任都水分司

廉潔精明政事文學一時稱最累官吏部尚書

按鵬晚附嚴嵩

其人本無足取但其為分司時政績自卓然可稱故初志為之立傳今存而不廢亦善善從長之例也吁以鵬之才即不附嚴嵩何遽不為尚書即不為尚書何損於鵬乃於得失進退之際忍之不堅持之不固遂致一朝失足千古貽羞抑獨何哉

游季勳字懋甫豐城人嘉靖末由工部主事為都水分司器局冲雅沈敏有智略泉漕政務整飭著績累官應

天府尹

胡瓚字伯玉桐城人萬曆中由工部主事任都水分司



爲橋於甯陽

瓚有洗橋記見藝文

民不病涉瓚治水侍郎劉東星

濬賈魯河故道益治汶泗間泉數百尋源竟委著泉河

史上之瓚治泉以一夫濬一泉各有分地省其勤惰而

賞罰之冬則養其餘力不征於官以功增秩累官左參

政明史劉東星傳

王文珪浙東人洪武初知縣事時甯陽承元之徹戶口

減削隸版籍者止有八社文珪言之大吏始割正縣界

逋亡盡復至今賴之見李伯貞分撥縣界記

見藝文舊志因記

有簿領是邑之文輒將文珪列之主簿非也按記云聖朝開疆之始首命浙東王文珪云云則爲縣令明甚且

甯陽縣志

卷之十一

宣績傳

九

分畫縣界事之大者亦必非丞佐以下所能任也今改正

孔公朝樂清人永樂中知縣事坐與同僚飲酒忿爭並

遣戍部民屢叩閭乞還不許宣德二年詔求賢有以公

朝薦者甯陽人聞之又相率叩閭乞公朝帝顧謂尙書

蹇義曰公朝去任已二十餘載民奏乞不已此非良吏

邪可卽予之

明史循吏傳舊志不載此事僅著孔朝之名於宣德間知縣而脫一公字蓋第知

後之復任而不知永樂時之被譴

翟弁字文冕涇陽人天順中由舉人知縣事禮賢興學

剔弊鋤奸吏憚其威民樂其業時有鳳凰鳴於邑西北



之雲山人以爲善政所感祀名宦

王鉉順天人成化中由進士知縣事法令嚴明豪右無敢犯創建預備倉以資振卹後累官至參政

趙容和州人宏治初由進士知縣事敏於政治崇儒術捐俸拓學舍以課生徒兼設陰陽醫學尋擢知冀州

趙瑤容河人宏治末由進士知縣事諳習法律吏莫能

欺案無留牘治聲與和州前趙容埒尋內擢御史

郭完霸州人正德中由選貢知縣事恢廓不拘小節而清介自持對客揮毫文采清綺注意愛民桁楊不設以

甯陽縣志

卷之十一

宦績傳

十

催科考殿拂衣竟去行李蕭然邑人爲立去思碑

白麟盧龍人正德中由進士知縣事嚴明果斷事無留滯以政績茂著調知章邱縣

紀洪榆林人由監生除易州判擢知定陶縣正德中以

才堪治劇調知本縣事律已嚴潔蒞政明敏有古循吏

風時當流賊劉六劉七趙燧等蹂躪之後邑幾爲墟洪繕城郭

興學校修廢墜廣儲蓄凡有約束吏民奉之如神盜賊

遠遁薦章累上時方望其進用遽卒於官無不惜之

秦吉士字子敬曲周人正德中由進士知縣事性廉直



治有威惠均賦平徭尤勤聽斷蠹吏袁以奎盤踞作奸  
遽置之法猾胥股栗宿弊一清盜賊遠徙比閭案堵秩  
滿內遷吏部主事累官布政使邑人爲立去思碑濟甯  
王湘撰記

陳本儒藍山人嘉靖初由舉人知縣事爲人有心計初  
不習爲吏後莅政精明處事周密上無得指其隙下不  
得售其詐嘗毀淫祠建南察院署尋以憂去

何玉德字彥貴雄縣人隆慶初由進士知縣事才諳敏  
瞻勤於政治儲蓄有法聽斷平允倉有餘粟獄無滯囚

甯陽縣志

卷之十一

宦績傳

十一

公署學舍多所營建尋遷南京御史

尹校號印石錦衣衛人由進士初授行人擢南京湖廣  
道御史隆慶初左遷知縣事潔己愛民表裏如一冬雪  
愆期徒步出郊詣社稷壇虔誠籲禱祥雲立布莅政半  
載吏戢民和內遷刑部主事老稚攀轅臥轍幾不能行  
建祠立碑頌遺愛者久而弗輟先是校初視事卽慨邑  
乘未備將謀倡修聞王正容舊志云翥亭乃正容別字已撰次成帙  
尙未付梓瀕行猶留俸貲以助工費後累官福建參議

尹公後任卽李公貞是  
爲甯陽創修縣志之始



許恩絳州人萬厯初由舉人知縣事練達時務洞悉民艱勤於奉公官庖自給日惟蔬羹脫粟而已邑舊惟土城歲修勞費恩設法勸民量力捐助悉蠶以輒民樂趨事三月而畢尋以憂去邑人至今思之累官南京戶部郎中

李沐民字德明別號寰愉臨汾人萬厯中由進士知縣事外嚴內寬治有威惠在任六年重學校清保甲尤勤撫字時權採中使四出所至騷擾沐民持以鎮靜民賴以安尋遷南京戶部主事邑人爲立去思碑

甯陽縣志

卷之十一

宦績傳

三

李之庚真定人崇禎末以舉人知縣事智勇有幹略勤政愛民時饑饉頻仍盜賊充斥所在焚掠之庚撫綏殘黎捕逐渠寇獲保境字十五年

大兵南下趨兗州游騎徇諸旁邑之庚糾合士民登陴拒守

大兵攻之力不能支城陷被執不屈殉焉明社旋屋贈卹不及

皇朝康熙癸巳

五十二年

追褒前明殉節諸臣邑人始請祀名宦

濮陽瑾字良玉廣德州人天順中由歲貢廷試第一授



本縣丞值歲饑賑濟有方遠近賴以存活者衆當事欲

薦之以親老乞歸百姓遮道攀留數十里不絕舊志不載今依

省志補 舊志宣德縣丞有濮瑾必係誤濮陽爲濮亦如公朝之爲朝也年代亦與省志不合考舊志建置門載瑾於成化間與知縣劉愷重修文廟其抵任當在天順之末成化之初

宋參昆陵人洪武中爲本學教諭博學善教尤邃於詩

兼通毛鄭之說時邑人順天府尹王賢翰林學士許彬

方爲諸生參各授以詩經諄諄啟迪惟恐弗及後二公

皆以儒術顯名當世參之力居多焉

李楨金陵人明初由舉人爲本學教諭性清介嚴重自

甯陽縣志 卷之十一 宦績傳 三

持動有準繩雞鳴而起督課生徒寒暑風雨無少間多

所造就上官推重之遷知溫江縣

程時言休甯人萬曆八年由舉人爲本學教諭學有淵

源教諸生爲文務抒心得力祛蹈襲之弊修學舍郵寒

俊繩檢多士動循規則遇有地方官非理凌藉必力與

護持侃侃不稍屈雖獲戾弗恤也陞杭州府通判諸生

爲立去思碑

張雲漢興平人明初由選貢爲本學訓導質直坦易與

人惟以誠感課士有程不躐等以求速化諸生有不能



自給者輒傾囊以贈室無斗儲不以屑意諸生德之陞

濟甯州學正

國朝

李廕祖 朱昌祚 李 鈞 趙申季 以上皆入祀本邑名宦祠

張光緒 何如龍 劉興漢 陳學夔 季廷銓

談汝瑛 熊 銓 李夢雷 張述孔 郭 撰

馬照藜 嚴象琳 張 撰 陳 淦 畢所諧

吳 嶷 李蟠根

李廕祖字繩武奉天鐵嶺人順治十一年以兵部尙書

甯陽縣志 卷之十一 宦績傳 十四

出督河南直隸山東三省時豫東皆被水患而畿南又

多盜警兼之旗逃窩引株連不絕廕祖撫綏有術釐剔

有方三省地方皆賴靖謐嘗以會勘至省聞禁旅芻牧

頗多驕橫有司徵解以時而弁伍留難反以後期需索

一日微服立軍門察得其姦狀立寘之法遠近聞之莫

不讐服又河工需柳歲不下數十萬束豪蠹居奇大爲

民病廕祖廉得巨豪數人皆奏徙之遂除包攬屯買之

弊 按甯之鳳傳請免本縣歲辦 沿河州縣賴之祀本邑

名宦



朱昌祚字雲門高唐州人初以奉天籍康熙四年任直隸河南山東三省總督按三省總督順治六年初設駐直隸大名府十五年裁康熙元年復設八年裁雍正六年設河南山東總督駐河南開封府十三年裁值母喪請終制不允遂以墨經視事釐奸剔弊加意撫綏時因圈地入旗近畿之民不無失業昌祚抗疏極諫時宰乘機陷之遂及於禍九年

聖祖知其冤

賜祭葬製碑以卹之追諡曰勤愍祀名宦

李鈞字長源奉天鐵嶺人原任安徽巡撫以疾致仕家

甯陽縣志

卷之十一

宦績傳

五

居康熙四十二年山左水灾告傲

按縣志灾祥門四十年汶水漲諸堤並

决田禾滄沒四十二年春大饑人相食夏大水奉

旨蠲賑又邑人史秉正出麥八十餘石賑濟鄉閭亦

此年事舊志所云奉前辛巳流離者也

旨命八旗有力人員赴山東協賑鈞奏請願出己貲以助遂扶

病東來擇被灾最重之新泰縣冬春徂夏計口授食尋

病篤命其子純德踵而行之計活灾民數十萬口以是

民感其惠建祠於羊流店復公請入名宦祠

按是年本邑被灾亦

重又與新泰接壤蓋亦被李公之澤也

趙申季字行瞻江南武進人康熙四十五年由翰林出



督山東學政

舊志通稱學道康熙四十二年定制由翰林科道特差者爲學院由部郎及外任升

轉者爲學道雍正四年始通稱學院

清廉恪謹苞苴請託一切屏絕校文

親加點定夜漏三下不少休體素羸積勞致疾遂不起  
山左人士靡不痛惜至五十五年公請祀名宦

張光縉河津人順治中由舉人知縣事淡泊寡欲爲治  
不煩時當開創之始疊經兵燹流亡未集民氣索然光  
縉撫摩煦育務崇寬簡有鳴琴臥治之風考績以老黜  
去之日斧資不給邑人至今思之

何如龍別字二巖歙縣人順治中由進士知縣事仁恕  
甯陽縣志

卷之十一

宦績傳

六

寬簡與民休息在任六年四境謐如因失察罷官去之  
日行李蕭然士民遮道攀留爲立去思碑

劉興漢字干帷汾陽人康熙中由進士知縣事學業賅  
博政事修舉邑乘自兵燹後簡編煨燼興漢開館重修  
燦然復備爲治虛心體察民艱因俗施治張弛有條時  
當哀鴻漸集多方勸墾戶口日增聽訟明決案無留牘  
上官知其能遇有他邑疑獄悉委治之多所讞定內遷  
大理寺行人士民赴送絡繹直達汶滸爲從來所罕見  
陳學夔字鹿胎莆田人康熙己酉舉人耿逆之變匿橘



園洲不受僞職尋以尙書任克溥薦擢知縣事

薦疏云昔賣賦

長安洛陽之紙頓貴今全節罵賊睢陽之齒猶存以儒術飾吏治厝理裕如課

士若嚴師保民如赤子建文昌閣營先賢祠置奉祀生築教孝亭旌孝子廬表孝婦閭頌聲四起譽滿上臺內遷兵部主事初甯陽舊有社倉四十九所分建各社貯穀備荒一切借貸生息由紳耆自爲經理學夔移歸縣內官司出納以後遂成官穀非題請不敢擅動論者咎之

季廷銓字冰壺泰興人康熙中由歲貢知縣事莅任十

甯陽縣志

卷之十一

宦績傳

七

年仁心善政淪浹四境輿情翕洽邑人建生祠於雲山之陽以清時卓魯製扁頌之

談汝瑛字玉菴鑲紅旗漢軍人雍正初由監生知縣事莅政明決待士有體調知聊城縣值大水爲災躬親巡視拯溺援沈備嘗艱苦不待申請遽開倉賑濟活饑民數十萬口卒以擅發獲咎遠近惜之

熊銓字司衡龍里人雍正中由舉人知縣事盡心撫字催科不擾倡修學宮課士如恐不及尋調知掖縣去之日士民攀送直達汶許自劉公興漢後至此甫再見云



李夢雷字魚門長興人乾隆初由進士知縣事振作有爲慨然以教養爲己任因社穀歸官緩急難恃乃於三鄉復建三倉捐穀備賑又分設社學四所並於金羊山創建東山書院俾諸生游藝其中用資切廟邑乘自劉公興漢重修後中閱多年夢雷復加編輯今所傳舊志卽其手定

張述孔別字柯巖洛川人乾隆中由進士知縣事視民如子視士如徒視胥吏如僕聽訟諄諄若家人語不加訶責俟兩造各盡其詞徐爲析其曲直以片語折之訟

甯陽縣志

卷之十一

宦績傳

六

者輒冰釋求罷春秋佳日好騎款段馬控以白頭隸巡行郊野遇田父下馬就樹陰語移時始去過村塾輒入其中進師弟子詢其課業告以所易曉疊疊不倦初以其長官也見者每趑趄久益相習若相忘焉縣北枕汶水環隄村落舊稱沃壤旣因風沙壅積田沒而賦不除民以大憾述孔勘實申請題豁一方賴之博學工詩兼精書畫公餘焚香閉閣率意作山水花鳥而題咏其上時稱張公三絕致仕歸卒於家或云仙去

郭撰阜城人乾隆中由舉人知縣事爲政嚴明聽斷敏



決尤善治盜平時訶察蹤跡有捕輒獲雖鼠竊狗偷必痛繩以法嘗獲一攫鷄賊再四窮詰屢施極楚賊忿曰所攫止一鷄有何重罪折之曰設爾時置鏹鷄旁爾未嘗有取鷄舍鏹者賊語塞卒從重論嘗語人曰作令之要惟在聽斷緝捕而緝捕尤亟小民終歲勤動所獲無幾一遭竊刦卽不聊生故害民莫甚於盜官若愛民不得不恨盜也在任數載宵小遠徙閭井晏然三十六年汶決石梁桑安等口撰督修土隄工築堅完數十年恃以無恐邑人至今思之

甯陽縣志

卷之十一

宦績傳

九

論曰善哉郭公之論治盜而推本於愛民也世之爲令長者深居簡出視小民疾苦不翅秦人於越人之肥瘠偶有以竊報者漠然置之迨以刦報則慮干參緝處分於是抑勒諱飾百計沮撓此非必其愛盜也正坐不愛民耳良農去草務絕本根非惡草也自護其苗也虎狼蛇蝎見者必殺非仇之也衛生之念迫斯除害之計決也今有人聞其鄰之被刦歎詫之已耳迨刦其家則必以全力與盜角欲得而甘心焉卽刦其子之家亦不異是令長爲一縣之父縣卽其家也縣之民皆其子也果



能視縣如家視民如子一聞盜警未有不輟七投袂捕之惟恐不速惟恐不盡而懲創之惟恐不嚴者矣涓涓不壅遂成江河毫末不折將尋斧柯跼蹐之雄自攫鷄始世之煦煦爲仁養奸貽患者聞郭公之風亦稍知戒哉

馬照藜大城人乾隆中由舉人署知縣事時當前官墮弛之後蠹役盤踞爪牙森鋸擇肥而噬閭閻受害莫敢控訴照藜抵任飭紀綱剔宿弊鈴束胥吏一以三尺繩之咸惕息奉法繇是隨宜損益擇要興革不出旬月政事煥然一新斷獄勤明案無留牘時有白日青天之譽未久代去邑人製萬民衣繖贈之至今見思

嚴象琳字琢齋乾隆中署知縣事持廉秉公請託路絕重士愛民人至今稱之

張撰字修亭永定人乾隆末由舉人知縣事以儒術飾吏治愛民敬士輿論翕然會刻四書文稿士多傳誦

陳淦山陰人嘉慶中由監生知縣事悃幅無華務爲安靜不輕受訟牒曰小民一朝之忿遲則自解一經傳質爲累多矣旣受理則必爲速結曰訟久不結役之福民



之禍也在任數載案牘清簡羣隸至無以自活時有官清如水役貧如旬之稱十八年教匪倡亂曹郡寇氛甚惡鄰邑戒嚴淦倡率紳士糾合兵勇完堞繕備時太平已久人不知兵風鶴震驚訛言四起一日夜間喧傳寇至羣情洶洶淦登陴勵衆誓以死守退則具公服坐堂皇語家人曰若輩自爲計寇至尸我於是旣而訛言頓息寇亦尋殄居恆自奉菲薄布素不飾曰儉以養廉不濫取自不敢濫用也因公被議左遷果得脫然無累而歸年七十餘卒於家

甯陽縣志

卷之十一

宦績傳

三

畢所諧文登人乾隆中由副貢爲本縣教諭訓課嚴明士林感悅兼明吏治大府深器重之課最以知縣擢用後累官道憲所至有聲

吳嶷字兼山常熟人嘉慶中署縣主簿性機警爲人短小精悍勤於吏治公餘垂簾靜坐以詩酒自娛不妄交接人有私謁輒正色拒之時論服其清峻累官浙江紹興府同知所至有聲

李蟠根任邱人乾隆中由監生爲縣典史律已清嚴不妄交接而勤於緝捕一時盜賊爲之斂跡人至今稱之



右謝息公斂處父據左傳補孔仁玉據曲阜志補孔  
思晦據元史補萬象春胡瓚孔公朝據明史補宋學  
朱李廕祖朱昌祚李鈞趙申季濮陽瑾據省志補李  
夢雷以下新增餘併見初志及舊志

贊曰高子大賢德立化成庾務慈儉爰流頌聲王正  
經界版章用宏孔有去思帝鑒輿情劉勸墾闢蒿野  
深耕郭實仁愛政則嚴明拔去蝥賊嘉穀乃生陳惟  
安靜無赫赫名民肥役瘠訟簡刑清羣賢著績竹素  
垂榮



